

Reglugerð nr.6

Reglugerð um dómara nefnd, yfirdómara og dómgæslu á mótum á vegum ÍHÍ

Dómara nefnd

6.1 Dómara nefnd skal skipuð fimm mönnum sem skipta með sér verkum. Stjórn ÍHÍ skipar nefndina.
Einnig starfar skipaður yfirdómari með nefndinni sem áheyrnarfulltrúi með tillögurétt.

6.2 Dómara nefnd ÍHÍ er fagnefnd sem hefur það hlutverk að þýða og samræma reglur og túlkanir á leikreglum með það að markmiði að dómgæsla á mótum ÍHÍ verði sambærileg við það sem best gerist í heiminum.

6.3 Dómara nefnd ákveður hverjir hafa heimildir til að gegna stöðu eftirlitsdómara, aðaldómara og línudómara hvaða aldursflokka þeir hafa heimild til að dæma. Slíkar heimildir skal byggja á hæfnismati sem dómara nefndin annast. Hæfniskröfur til dómara skulu miðast við viðmið IIHF.

6.4 Dómara nefnd sér um að þýða og uppfæra reglubók IIHF um dómgæslu og gefa hana út.

Yfirdómari

6.5 Stjórn ÍHÍ er heimilt að skipa yfirdómara.

6.6 Skipi stjórn ÍHÍ ekki sérstakan yfirdómara, skal formaður dómara nefndar vera yfirdómari.

6.7 Yfirdómari skal vinna í samstarfi við dómara nefnd og framkvæmdastjóra ÍHÍ

6.8 Helstu verkefni yfirdómara eru:

- Fylgjast með og koma á framfæri nýjum leikreglum og túlkunum á þeim.
- Leita uppi túlkanir á leikreglum, komi upp ágreiningur milli dómara varðandi reglurnar .
- Vinna að gerð kynningarefnis til handa leikmönnum varðandi reglur leiksins.
- Hafa forgöngu um að námskeið og próf séu haldin fyrir dómara og einnig til að

efla leikreglukunnáttu leikmanna.

- Hafa yfirumsjón með gerð námsefnis fyrir dómara og línudómara.
- Leitast við að finna efnilega aðila til að sinna dómara störfum.

- Sjá um samskipti við Alþjóða Íshökkísambandið í samráði við formann

dómanefndar.

- Vinna að gerð prófa fyrir línu- og aðaldómara.
- Að fylgjast með nýjungum í málefnum er varða dómgæslu og koma þeim á

framfæri við dómaranefnd og stjórn ÍHÍ.

- Stuðla að aukinni virðingu dómara fyrir starfi sínu og aukinni virðingu

leikmanna og annarra fyrir starfi dómara.

6.9 Yfirdómari skal hafa frjálsan aðgang að öllum mótum sem fara fram á vegum ÍHÍ.

Dómgæsla á mótum ÍHÍ

6.10 Sérhvert félag sem teflir fram fleiri en einu keppnisliði, í mótum á vegum ÍHÍ skal tilnefna eftirfarandi fjölda dómara: Fyrir lið í mfl. karla og kvenna samanlagt skal tilnefna 2 aðaldómara og 2 línudómara. Lið sem eingöngu teflir fram einu liði í meistaraflokki skal tilnefna 1 aðaldómara og 1 línudómara. Fyrir yngri aldursflokka skal hvert félag tilnefna 3 dómara.

6.11 Framkvæmdastjóri ÍHÍ í umboði stjórnar ÍHÍ ákveður niðurröðun dómara á leiki í 2., 3; aldursflokki ásamt meistaraflokka karla og kvenna. Ásamt því að skipa eftirlitsdómara. Framkvæmdastjóri skal hafa til hliðsjónar hæfnismat sem ákveðið er af Dómaranefnd.

Ef dómari forfallast af einhverjum ástæðum getur dómaranefndarmaður þess félags sem á heimaleik í samráði við framkvæmdastjóra komið sér saman um annan dómara.

6.11.1 Dómaranefndarmaður þess félags sem á heimaleik sér um að boða þá dómara sem settir hafa verið á leiki ásamt því að raða niður dómurum á helgarmót yngri flokka í samráði við framkvæmdastjóra ÍHÍ.

6.12 Stjórn ÍHÍ ákveður greiðslur til dómara. Stjórnin skal þó leita umsagnar dómaranefndar en er ekki bundin af þeirri umsögn.

6.13 Stjórn ÍHÍ greiðir dómaraþónus til aðildarféлага sem uppfylla skyldur sínar samkvæmt reglugerð þessari. Félag sem þarf að tilnefna 2 aðaldómara og 2 línudómara skal fá 200 þúsund króna dómaraþónus sem deilist niður á 7 mánuði og skal hver mánuður

gerður upp sérstaklega. Félag sem þarf að tilnefna 1 aðaldómara og 1 línudómara skal fá 100 þúsund króna dómabónus sem deilist niður á 7 mánuði og skal hver mánuður gerður upp sérstaklega. Greiðslur og uppgjör fyrir alla mánuðina fer fram í enda hvers tímabils. Verði veruleg vanhöld á kröfum um skráningu dómara samanber 6.10 skal stjórn ÍHÍ heimilt að beita viðkomandi félag viðurlögum.

Fyrir hvern dómara sem vantar upp á í skráningu frá aðildarfélagi skal sekta félag fyrir hvern mánuð sem líður á tímabilinu september til mars (báðir mánuðir meðtaldir).

- Fyrir aðaldómara 15.000 krónur á mánuði
- Fyrir línudómara 10.000 krónur á mánuði.

6.14 Tilnefning dómara telst ekki gild nema tilnefndir dómamarar standist hæfnispróf dómaranefndar í upphafi hvers tímabils. Verði töf á hæfnisprófi gilda hæfnispróf frá fyrra ári til 1. október.

6.15. Dómari sem segir sig af þremur leikjum í röð fellur af tilnefningarlista. Verði það til þess að það aðildarfélag uppfylli ekki lágmarks kröfur um skráningu dómara, samanber 6.10, taka við sektargreiðslur á það félag sem tilnefndi hann þar til að nýr aðili hefur verið tilnefndur og hann staðist hæfnispróf.

6.16 Heimilt er að setja nánari vinnureglur og útskýringar um störf dómaranefndar, yfirdómara og framkvæmd móta og skulu þær vera hluti af reglugerð þessari.